

DIE 29 OCTOBRIS
SANCTI NARCISSI
EPISCOPI ET MARTYRIS
PATRONI PRINCIPALIS CIVITATIS AC DIOECESIS
I classis

AD II VESPERAS

V. Deus, in adiutorium. Glória Patri. Sicut erat.
Allelúia.

Ant. 1 Narcíssus curávit gentem suam, et liberávit eam a perditíone.

Psalmus 109

Dixit Dóminus Dómino meo: * sede a dextris meis:
Donec ponam inimícos tuos, * scabéllum pedum tuórum.

Virgam virtútis tuæ emíttet Dóminus ex Sion: *
domináre in médio inimicórum tuórum.

Tecum princípium in die virtútis tuæ in splendóribus
sanctórum: * ex útero ante lucíferum genui te.

Jurávit Dóminus, et non poenitébit eum: * Tu es
sacerdos in ætérnum secúndum órđinem
Melchisedech.

Dóminus a dextris tuis, * confrégit in die iræ suæ
reges.

Judicábit in natió nibus, implébit ruínas: *
conquassábit cápita in terra multórum.

De torrén te in via bibet: * prop terea exaltábit caput.

Hic versus Glória Patri *semper dicitur in fine omnium
psalmorum et canticorum, nisi aliter notetur.*

Ant. Narcíssus curávit gentem suam, et liberávit eam
a perditíone.

Ant. 2 Ipse est diréctus divínitus in pœniténtiam
gentis, et tulit abominatió nes impietátis.

Psalmus 110

Confitebor tibi, Dómine, in toto corde meo: * in
consílio justórum, et congregatió ne.

Magna ópera Dómini: * exquisíta in omnes
voluntátes ejus.

Conféssio et magnificéntia opus ejus: * et justítia ejus
manet in sæculum sæculi.

Memóriam fecit mirabílium suórum, miséricors et
miserátor Dóminus: * escam dedit timéntibus se.

Memor erit in sæculum testamé nti sui: * virtútem
óperum suórum annuntiábit pópulo suo:

Ut det illis hereditátem géntium: * ópera mánuum
ejus véritas, et judícium.

Fidélia ómnia mandáta ejus: confirmáta in sæculum
sæculi, * facta in veritáte et æquitáte.

Redemptió nem misit pópulo suo: * mandávit in
ætérnum testamé ntum suum.

Sanctum, et terríbile nomen ejus: * inítium sapiéntiæ
timor Dómini.

Intelléctus bonus ómnibus faciéntibus eum: *
laudátio ejus manet in sæculum sæculi.

Ant. Ipse est diréctus divínitus in pœniténtiam gentis,
et tulit abominatió nes impietátis.

Ant. 3 Fuit máximus in salútem electórum Dei,
expugnáre insurgétes hostes.

Psalmus 111

Beátus vir, qui timet Dóminum: * in mandátis ejus
volet nimis.

Potens in terra erit semen ejus: * generátio rectórum
benedicétur.

Glória, et divítia in domo ejus: * et justítia ejus
manet in sæculum sæculi.

Exórtum est in ténebris lumen rectis: * miséricors, et
miserátor, et justus.

Jucúndus homo qui miserétur et cómmodat, dispónet
sermó nes suos in judício: * quia in ætérnum non
commovébitur.

In memóriam ætérna erit justus: * ab auditió ne mala
non timébit.

Parátum cor ejus speráre in Dómino, confirmátum
est cor ejus: * non commovébitur donec despiciat
inimícos suos.

Dispérsit, dedit paupéribus: justítia ejus manet in
sæculum sæculi, * cornu ejus exaltábitur in glória.

Peccátor vidébit, et irascétur, déntibus suis fremet et
tabéscet: * desidérium peccatórum períbit.

Ant. Fuit máximus in salútem electórum Dei,
expugnáre insurgétes hostes.

Ant. 4 Invocávit Dóminum omnipoténtem in
oppugnádo hostes circumstantes úndique in
oblatió ne agni invioláti.

Psalmus 112

Laudáte, púeri, Dóminum: * laudáte nomen Dómini.
Sit nomen Dómini benedíctum, * ex hoc nunc, et
usque in sæculum.

A solis ortu usque ad occásum, * laudábile nomen
Dómini.

Excélsus super omnes gentes Dóminus, * et super
cælos glória ejus.

Quis sicut Dóminus, Deus noster, qui in altis hábitat,
* et humília réspicit in cælo et in terra?

Súscitans a terra ínopem, * et de stércore érigens
páuperem:

Ut cōllocet eum cum princípibus, * cum princípibus
pópuli sui.

Qui habitáre facit stérilem in domo, * matrem
filiórum lætántem.

Ant. Invocávit Dóminum omnipoténtem in
oppugnándo hostes circumstantes úndique in
oblatióne agni invioláti.

Ant. 5 Consummatione fungens in ara, libávit de
sánguine uvæ : effúdit in fundaménto altáris odórem
divínium excélsio princípí.

Psalmus 115

Credidi, propter quod locútus sum: * ego autem
humiliátus sum nimis.

Ego dixi in excéssu meo: * Omnis homo mendax.

Quid retríbuiam Dómino, * pro ómnibus, quæ
retríbuit mihi?

Cálicem salutáris accípiam: * et nomen Dómini
invocábo.

Vota mea Dómino reddam coram omni pópulo ejus:
* pretiósá in conspéctu Dómini mors sanctorum ejus:
O Dómine, quia ego servus tuus: * ego servus tuus, et
filius ancíllæ tuæ.

Dirupísti víncula mea: * tibi sacrificábo hóstiam
laudis, et nomen Dómini invocábo.

Vota mea Dómino reddam in conspéctu omnis
pópuli ejus: * in átriis domus Dómini, in médio tui,
Jerúsalem.

Ant. Consummatione fungens in ara, libávit de
sánguine uvæ : effúdit in fundaménto altáris odórem
divínium excélsio princípí.

Capit. 2 Machab. 15, 14

Hic est fratrum amátor, et pópuli Israël : hic est, qui
multum orat pro pópulo, et univérsa sancta civitate.

R. Deo gratias.

Hymnus

Decus Gerúndæ ac pátriæ,
Narcísse Martyr ínclýte,
Laudes tibi nos sólvimus,
Tu dona nobis ímpetra.

Sedens in arce síderum
Hanc mitis urbem réspice,
Et deprecántes sérvulos
Audi benígne et ádjuva.

Nostris procul de fínibus
Advérsa cuncta réjice,
Bellum famémque, ac hórridam
Repélle pestiléntiam.

Compésce vires dæmonis,
Dissólve vincla críminum,
Avérte noxas córporum,
Accénde lumen spíritus.

Æterna, Jesu altíssime,
Laus sit tibi atque glória,
Cum Patre et almo Spíritu,
In sempitérna sæcula.

Amen.

V. Justus ut palmas florébit. **R.** Sicut cedrus Líbani
multiplicábitur.

Ad Magnif. Ant. Patrónum nostrum beatíssimum
Narcíssum laudémus et superexaltémus, quem
dignitas pontificális exornávit, zelus apostólicus
inflammávit, et gloriosíssimi martyrii láurea Dóminus
coronávit in ætérnum.

Canticum B. Mariæ Virg. Luc. 1, 46-55

Magnificat * ánima mea Dóminum.

Et exsultávit spíritus meus: * in Deo, salutári meo.

Quia respéxit humilitátem ancíllæ suæ: * ecce enim ex
hoc beátam me dicent omnes generatiónes.

Quia fecit mihi magna, qui potens est: * et sanctum
nomen ejus.

Et misericórdia ejus, a progénie in progénies: *
timéntibus eum.

Fecit poténtiam in bráchio suo: * dispérsit supérbos
mente cordis sui.

Depósuit poténtes de sede: * et exaltávit húmiles.

Esuriéntes implévit bonis: * et dívites dimísit inánes.

Suscépit Israël púerum suum: * recordátus
misericórdiæ suæ.

Sicut locútus est ad patres nostros: * Ábraham, et
sémini ejus in sæcula.

Ant. Patrónum nostrum beatíssimum Narcíssum
laudémus et superexaltémus, quem dignitas
pontificális exornávit, zelus apostólicus inflammávit,
et gloriosíssimi martyrii láurea Dóminus coronávit in
ætérnum.

V. Dóminus vobíscum **vel** Dómine, exáudi.

Oratio

Deus qui beátum Narcíssum Mártyrem tuum atque
Pontíficem illústri láurea decorásti, ejúsque corpus
admirábili integritáte claríficas : concéde propítius;
ut, ejus deprecatione tuo muníti præsídió, incorrupta
gáudia felicitátis ætérnæ consequámur.

Per Dóminum.

V. Dóminus vobíscum *vel* Dómine, exáudi.

Benedicámus. Fidélium.

Et ita absolvúntur Vésperæ.

Complet. de Domínica.